

ut in culpa, ita & in poena pares faciebant, August. de haeres. c. 23. Notandum tamen: hanc inæqualitatem nos consistere 1. in diversitate temporis, quoniam omnes poenæ erunt æternæ. 2. Nec in diversitate specierum, sed graduum.

3. An omnes damnatorum actiones sint male?

Resp. 1. Affirmatur dictis Scripturæ, Apoc. 14, 11. 2. Continuatio poenarum semper excitabit in illis odium Dei. 3. Pravitas voluntatis, in qua hinc decesserunt, ipsis perpetuo adhærebit. D. Gerhard.

4. An passiones damnatorum sint male?

Resp. Non erunt male Ethice, quoniam à divina justitia profiscuntur, sed Physice, respectu damnatorum, quibus satis inimicæ & acerbæ existent. D. Gerhard.

5. An infernus sit tantum horror Conscientie?

L. J. T. Resp. 1. Spiritus Dei infernum expresse vocat locum Ἐβασίων, Luc. 16, 28. 2. Damnati non solum sentient internos conscientię angores, sed etiam exteriores, eosq; gravissimos cruciatus corporis, Matth. 22, 11. 3. Erit illic stridor dentium, Matt. 9, 44. Vermis eorum non morietur, nec ignis extingvetur, Luc. 16, 24. Torquebuntur in flamma ista, Apoc. 16, 10. Mandebant lingvas præ doloribus, & ulceribus suis. D. Brochm.

IN LOCO.

DE VITA ÆTERNA.

THEOREMATA.

1. **V**ita dicitur non solum, quia est perpetuus vivendi actus, sed quia est felicissima vitæ conditio, Joh. 3, 16.

2. Dicitur alias cœlum tertium, 2. Cor. 11, 2. 3. cœlum cœlorum Deut. 10, 4. Cœlum novum, Esai 65, 17. Paradisus, Luc. 23, 43. Manus Dei, Sap. 3, 1. Sinus Abrâhæ, Luc. 16, 12. Mons & tabernaculum domini, Ps. 15, 1. Civitatis Dei, Apoc. 21. seu Jerusalem superius &c.

3. Qvod vita æterna certò detur, probatur 1. dictis Scripturæ, Dan. 12, 2. Matth 25, 46. Joh 10, 28. 2. Cor 5, 18. Heb. 13, 14. 2. Exemplis Enochii, Gen. 5, 24. Eliæ, 2. Reg. 2, 11. Christi, Act. 1, 9. 3. Rationibus: omne bonum est sui communicativum. E. & Deus in alia vita sese communicabit. Item: Deus est verax. E. implebit promissiones de beatitudine. Item: Christus est Rex æternus. E. etiam æternos